



794

77 1587/5
/97







8
- 2 -
Missive by den Raedt

der Stadt Vrecht / ghesonden aende Staten
van Hollandt.



TOT VRECHT

By myn Jan Corneliszoon / geswoen drucker van zyn Excell.
ende mijn Heeren Ridders van Vrecht woonende inden
Enghel byde Hieronimus Schoole An. 1587.

794


THE LIBRARY OF THE
UNIVERSITY OF CHICAGO

1000 N. EAST 58TH STREET
CHICAGO, ILL. 60637



UNIVERSITY OF CHICAGO

THE LIBRARY OF THE UNIVERSITY OF CHICAGO
1000 N. EAST 58TH STREET
CHICAGO, ILL. 60637



Edele Erntfesten hoochgheleerde vryse seer discrete Heeren, goede
Vrienden ende naebueren.



Vten sijn voerwaer niet min bedroef
te hoozen in wat staet zyn Excellentie uwe
laecken ghelaten heeft / als wy te boozens
verblift waren / metten goeden hoop van
Satisfactien / die hem by **D E** Resolutie
vanden achtthenden deses / scheen gheghe-
uen te zyn / want ons dese gheheele laecke /
als den **V**panden naest gheseten / ende den
dagheliepen aenstoot onderwozen / aldermeest is betreffende /
daerom wy **D E** oock ghebeden willen hebben / dit ons schrij-
uens / aendachtelycken te behertighen / ende onse ghesanten /
(die wy wt onsen Raedt tot sulcken eynde derwaerts hebben
afghebeerdicht) met een vruchtbaer antwoord naer eytsch des
hoochdringhenden noots / opt spoedichste (wie ghetrouwe
Bont-ghenoten eyghent) te bejeghen / **D E** can niet vergheten
wesen doen wy ouer twee jaren naer Franckrijck ghelonden
hadden. En van Coninck Henrick weynich troostes / ja gansch
gheen saghen te verweruen / hoemen ons soo voor als naer on-
ser ghesanten wedercompste voorgebraghen heeft (t ghene ooc
waerachtich was) hoe veel zeeckerder ende vaster hulpe wy van
den Coninginne van Enghelandt / so van wegghen der Christe-
lycker Religie / als wt andere vele redenen ende ommeestanden
meer dan van eenighe andere Potentaten in Christenryck te
verwachten hadden / wat groote noot ons daer toe drong / ende
hoe ontfes (naest den almoghenden Godt) anders geen en raedt
hulpe / noch hope en was.

D E en is oock niet onbekent / hoe geerne wy u verloech en
advys daer inne gebolcht hebbē / en in hoe danigē puer wy niet
alleen t'secours van hare Maesteyt / maer oock den persoon
van zyn Excellentie ontfanghen hebben.

Wat ons zedert wederuaren is / hoe de Dupbel ende den
Paus

paus met synen gantschen aenhanck gheraect ende ghewoedt hebben/om dat onse sake ende die Christelycke Religie (d'welcke noyt voorsz. gheschiedt) d'assistentie van so eene machtighe souvereine Princesse verreght hadden / het selue wordt ons/ deur die daghelicke ervaringhe meer als ghenoch betuycht/ ende heeft ons altoos den meesten hoop ghegheuen van een gheluckighe wtcompste / als weskende dit raesen ende woeden / een ghewis litteecken haeres aenstaenden onderganck.

Doen wy nu so verre gecomen waren dat wy ons tot de Coninginne van Engelandt begheuen/ ende onse hope ende hulpe (naest Godt) op so goede / vaste Steen-Rootsche ghebouwt hadden/ hebben wy ons des te meer hier in bebluycht / dat wy oock van onser zyde/ ons ghetrouwelyck ende stancvastelycken ren wtersten toe quijten souden. Bysonder int stuck van ghehoorsaemheyt/ ende authoziteyt/ wel wetende so wy hier in (als ons meest ontbrekende) oock aldermeest van onse teghenparthijen/souden beuochten worden/dat wy des te manlycker ons daer teghens behoorden te versien.

Wat ongheluck ende schadeluycken inbrueck dese twee hooft stucken/ ghehoorsaemheyt ende authoziteyt/ zedert een jaer herwaerts gheleden hebben/ wat valsche gheruchten ende calumnieuse rapporten/ aller weghen tot sulcken eynde syn verbruyt worden / dat sien/ dat ghevoelen/ dat beschreuen wy.

Betuyghende voorsz. den almoghenden Godt / die een kinder is onser herten / so wy daer af in onse ziele / voorsz. syn strenghe oordeelsullen moeten verantwoorden/ dat wy allen onsen voorsz. leden ende teghenwoordigen handel / tot gheenen anderen eynde gerecht en hebben/ noch en dencken te rechten/ dan om waer te nemen Godes aengheboden genade/ hare Maesthepts welvaden met blyckende dancbaerheyt te erkennen / syn Excell. syn nootwendighe authoziteyt meer ende meer te beuestighen/ ende onse ghehoorsaemheyt niet alleen int aennemen synder beuelen / maer oock int opbrengghen onser middelen ten lesten toedatelpcken te bewijsen.

Tot welken eynde wy/niet teghenstaende d'uyterste bederf onser Landen en lieden (t'berhael onser schaden onvermindert wiedereen is) onse voorgaende quote besloten syn te continueren inde 200^m lb. dat meer is/ bevindende dese 200^m lb. niet ghehoorsaem tot betalinghe der Garnisoenen / ende vervallinghe der

der bylopende onkosten / sonderlinge als men neffens t'lecoers
van hare Ma. vijf of ses duplent voert volcx m^z twee duplent
peerden / int velt wtrecken ende gebruiken soude / sijn wy daer
ouer doende (Godt geef wat raedt wy soecken / hoe wy ons be-
nauwen / persen / drucken) ons aenpaert inde 250^m lb. ter maet
neffens de andere Provincien te binden / ende op te brenghen /
wel wetende als die Wyanden ons onder haer tirannich jock
ghebrocht souden hebben / wat ons dan meer ende hoe vileyn-
lycht toe bezwaernisse onser elendighe verdrukkinge / wtgeperst
souden worden .

Dit is van t'ghene daer mede wy daghelicx becommert sijn
dat wy dijnen ende waer toe wy strecken: Godes genade / hare
Maesteyts gunste / d'authoriteyt zynre Excellentie onse ghe-
hoorsaemheyt / t'samen metten welstandt onses bedructens
Vaderlands te behouden.

Worden van ons andere gheruchten gestropt / daer met on-
sen goedē puer te verdoncheren / twist ende misverstant tusschē
den Provincien t'onsteken / hare Maesteyt ende zyn Excele.
af te wenden / ende also die sake tot eenen spaenschen peps te
brenghen / wy betuyghen den Godt des Hemels dat ons hier in
cracht ende geweld geschiet / ende dat wy des ontschuldich sijn.

Och en is ons niet onbekent dat ons dit alles hercomt vā
den genen die sich ouer ons beclagen / dat wy haer sonder reden
van hier hebben doen vertrecken / haer recht en iustitie wepge-
ren / en ons van sulcke persoonen / die hier noch ghebozen / noch
ghegoeyt sijn op-stucken laten.

Nochtans moeten zy bekenmen / dat zy tonrecht haer becla-
ghen ouer den ghenen / die haerlieder wtslegginge noyt gedieuē
hebben / ende noyt van haerlieder versocht sijn gheweest noch
om recht ende iustitie / noch om die redenen haerder wtsleggin-
ghe te erlanghen.

Sulcx dat zy tonrecht haren moet op ons wtsorten / inson-
derheyt op den ghenen / die zy segghen / inden Magistraet ghe-
stelt te sijn teghens onse priuilegien / nu meer als ouer d'yn jaren
doen zy selfs by solenniele resolutien bande gheheele provincie
op voorgaende beclaghinge ghesloten hebben / gelicke perso-
nen totte voornemste deses stichts Ampten en officien te versoe-
ken: nu oock meer / als by tijden Keyzers Caroli en des Coninck
Philippi / doemen persoonen ja buppen dese senenchtien Provin-
cien /

rien geboortich in onsen Magistraet gebuyet heeft/ van welcke
ethycke/ zedert die Pacificatie van Gende/ selfs byden genen die
nu dese inperpetuante clachte meest zyn dijuende/ neffens per-
soonen wt Zabant ende elders buyten dese Provincien gebo-
ren in onse Magistraet gheset/ ende tot opden huydighen dach
zonder reproche continuelycke daer in ghehouden ende gheble-
uen zyn. welke ende meer dierghelycke accen den leetleden Ma-
gistraet tot exempele hebben moghen dienen om die voorsz per-
soonen tot haren vaervolgers onbezwaert te noemen.

Nu dan V. E. hier met ten vollen bericht zynde van ons
goedt bestendich voornemen/ waer nae wy trachten ende hoe
weynich men ons hier en teghens heeft te beschuldighen/ twy-
felen wy niet V. E. sullen onse ende des gheheele Landes
saken (wie goede naebuieren ende Christelike eener Religie
Bontverwanten ghebuert) met ons totten seluen eynde behar-
tighen/ ende bedencken/ oft ons noch by stont eenighe sake ter
werelt tot miffhaghen van hare Maesteyt/ tot vercleyninghe
zyns Excell. en uwer Bontgenoten onderganck op te nemen
hoe groot ende gewichtich die moesten zyn/ eer zy diuipozantie
onser behondnisse souden connen ouerweghen.

Ende dit is waer in wy niet anders doen/ dan wy t'voorledē
jaer/ by v eyghen reden/ propoosten ende iudictien zyn ver-
maent gheweest/ die welke doen tertyt ons bewoeghen heb-
bende nu wederom tot V. E. heeren/ v niet alleen te ver-
manen/ maer in alle eerbare redelyckheyt af te eytschen/ dat
doch in v plaats gripe t'ghene wt ulwen eyghen mont gheco-
men in ons zoo goede plaetse ghegrepen heeft/ te weten: Doen
wy inden beginne des voorleden jaers/ ons bezwaert vonden/
inde vryen kuer die zyn Excellencie begheerden van eenen per-
soon wt elcke Provincie inden Raede van State/ V. E.
selfs op de Generale vergaderinghe onse ghesanten verclaerde
hebben/ eer zyn Excellencie niet vernuecht zoude worden/ dat
V. E. hem lieuer den gantschen kuer vanden geheelen raedt
wilden toelaten. Hy waer hier ghecomen om te regheren/ en
niet om gheregheert te worden: Om te ghebieden/ ende niet
om gheboden te worden: Om Werten te stellen/ ende niet om
te ontfangen/ Ende zoo wy hier toe niet en souden willen ver-
staen/ dat V. E. aldan ghemeynt ware daer in by haer sel-
uen ende apart te versien. Dat nu dese uwe eyghen selfs rede-
nen

nen in v plaets grispende / zyn Excellentie in zyn nootwen-
dighe authoriteyt / ende naementlyck int stuck vande Contri-
butien ende wes t beleyt der Oorloghen aengae / bevesticht
ende daer inne ghehouden werde. Want behaluen dat het
van noode is onse zwacke middelen met authoriteyt te styuen
zoo zyn oock die redenen die ons hare Maesteyts bystande
hebben doen versoeken / nu zoo veel te ghewichtigher als wy
zedert meer ghecrent / ende seer nae ten wtersten gherom-
zyn. Anders soudt schijnen / dat de noodt (die ons van aenbe-
gin doen wy machtigher waren hare Maesteyt heeft doen
versoeken) ons nu soo veel harder persende / ende wy noch-
tans hare Maesteyts hulpe met verminderinge vanden booz-
righen authoriteyt ghenoch verwerpende / of willens ende wes-
tens in onsen doot ende verderffnisse loopen / of eenen Spaen-
schen peys metten Hertoghe van Parma voornemen wilden.

Ende zo dan onse vereenichde Provincien niet als byendes-
kinghen maer als Broeders van eenen Vader byden anderen /
recht of het maer een Lichaem waer / in een verbondt ende in
ren sake verknoopt zyn / sulcx dat proffijt / eere / behoudenisse /
schade / schande / verderffnisse / van derne handere / als sijt
eyghen selfs creffen moet: souden wy ons voordien seluen Godt /
dien wy onser die bezwooren zynner Excellencien authoriteyt
ende onser ghehoorsaemheyt met opgherechte vingheren heb-
ben aengheroepen / ingheval van verminderinghen uwes
bouen verclaerde ghemoets (des verre zy) moeten betuygen /
hoe noode ende met hoe groote hertleet-wesen / wy uwe
E. hier met beschaenyt ons ende alle vrome Landsaten
vercoert ende bedroghen souden vinden / daerom wy uwer
E. anderwerf verniaendt ende ghebeden willen hebben /
zoo lief v is eer ende eedt / gheloof ende trouwe / om die sa-
ke Godes ende zynner armer ghemeynten / om die weldaden
van haere Maesteyt / ende die verdiensten van zyn Excel-
lentie / om die beschermienisse uwes beminden Vader-Landes
zynder redenen die v trecken moghen / bedien die uwerlie-
den beweghen moghen / tranen der elendighen / die v be-
moeten moghen / besitten wy een vanden voornoemste plaets-
sen onser Bontghenooten / die behoudenisse vanden welcke /
v dient vriendschap ende eere : Verlies / v schade verdoet

W. 1587/45:8.
berdriet ende schande sonden moghen toebrenghen / dat doch
alle vorighe zwartcheden / disputen ende passien (daer niet
Landen verloren / maer niet behouden cunnen worden) verre
van ons gheworpen / wy zyn Excell. tot ons eyghen selfs pro-
fijt / ende welvaeren contentement gheuen / int ghene wy hem
schuldich zyn / ende van aenbegin / op v eyghen selfs inductie
ghegheuen ende vergunt hebben / niet twijfelende hare Ma-
sal ons wel ja meer doen dan tot noch toe / zyn Excell. sal in
sijn voorgaenden dienst blymoedich continueren / die goede on-
derdanen sullen een vrolijcke moet grijpen / onse Wyanden sul-
len daer niet onghelooffelycker wijsse ghebroken worden / ende
Godt almachtich sal onse rechtveerdighe zake met een gheluck
zalighe wtcomptste ghebenedyden / waer op D. E. goedighe
ende spoedighe antwoorde niet onse ghesanten verwachende /
bidden wy Godt almachtich

Edele Erntfeste hoochgheleerde vvijsse seer discrete Hee-
ren , goede vrienden ende nabueren , uyve E.
in gheluck salighe ende voorspoedighe re-
gheringhe te bevaren . Gheschreuen
t'Vrecht desen XXI. Septem-
bris Anno 1587.



